

nunc perfecte, nunc imperfecte. Sic disponit ad sapiētiā, disponit ad iracundiā, disponit ad melancholiā, sed pro diuersitate passorū nūc magis nunc minus: ita vt sit à cēlo principalis & prima occasio, sed à causis secundis elemētaribus qualitatis intensio vel remissio, vel cætera quæ circūstant fiunt à constellatione: sed sic vel sic, fiunt à complexione. Nec tamē negamus, quin quādoq; omnino effectus frustretur cæli, propter contrariam materiæ dispositionem: sicut quandoq; generationem hominis contingit impediri. Ex quo patet, qua cautela astrologorum debeat temperari iudicium, nā quandoq; omnino falluntur, & nihil eorum quæ putant accidit. Sed neq; multum descendant ad particularia: nam etsi vtcunque de substantia possint facti coniecturam accipere, sed nunquā de modo faciendi: hoc enim ex diuersa dispositione passorū dependet, quod cadere nō potest sub humana estimatione. Vnde recitat Thomas in summa contra gentiles, li. 3. cap. 84, ex Ptolemæo in centiloquio, diffinire non posse astrologum iudicia secundum stellas, nisi vim animæ & complexionem bene cognouerit: & quòd nequaquam expedit astrologū rem explicare particulariter, sed vniuersaliter. Aristoteles quidem laudare considerationem studiosam nititur astrorum, qualiter mouētur vel influunt in hæc inferiora, quia mundus infe-